



Broj: 01-50-1-15-14/23  
Sarajevo, 21. 12. 2023.

PARLAMENTARNA SKUPŠTINA BOSNE I HERCEGOVINE  
SARAJEVO

5

PRIMLJENO: 04-01-2024			
Organizaciona jedinica	Klasifikaciona oznaka	Redni broj	Broj priloga

## ZAPISNIK

### 14. sjednice Predstavničkog doma Parlamentarne skupštine Bosne i Hercegovine, održane 21. 12. 2023.

Sjednica je počela u 13.10 sati. Prisustvovao je 41 poslanik.

Odsustvovala je Mia Karamehić-Abazović.

Sjednici je prisustvovala zamjenica ministra za ljudska prava i izbjeglice BiH Duška Jurišić.

Sjednicu su pratili predstavnici: Ministarstva finansija i trezora BiH, Ministarstva komunikacija i prometa BiH, Ministarstva civilnih poslova BiH, Centralne izborne komisije BiH i Ureda za reviziju institucija BiH. Iz međunarodnih organizacija sjednicu su pratili predstavnici OHR-a, Misije OSCE-a, Vijeća Evrope i NATO-a, te predstavnici ambasada Italije, Hrvatske i SAD-a.

Predsjedavajući je rekao da će, u skladu s članom 167. Poslovnika, na početku sjednice, prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- **Šemsudin Mehmedović** – predsjedavajućoj Vijeća ministara BiH,
- **Branislav Borenović** – predsjedavajućoj Vijeća ministara BiH,
- **Ermina Salkičević-Dizdarević** – ministru vanjske trgovine i ekonomskih odnosa BiH,
- **Šemsudin Dedić** – ministru finansija i trezora BiH,
- **Safet Kešo** - predsjedavajućoj Vijeća ministara BiH i
- **Jasmin Emrić** – ministru sigurnosti BiH.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose. Predsjedavajući je podsjetio na to da je osiguran i direktan TV prijenos ovoga dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: <sup>1</sup>

**Šemsudin Mehmedović**

„Dame i gospodo zastupnici, uvaženi gosti i rijetki članovi Vijeća ministara, danas sam planirao postaviti pitanje predsjedavajućoj Vijeća ministara, ali očigledno da ona nije, kako reče predsjedavajući, nazočna današnjoj sjednici i obzirom da ovaj sastav Vijeća ministara ima učestalu praksu da ne poštuje ni Ustav BiH, a ni zakone BiH želio sam kroz jedno zastupničko pitanje da konkretno pitam predsjedavajuću Vijeća ministara – Zbog čega ne poštuje zakone ove zemlje? Te je članom 16. Zakona o državnoj službi u institucijama BiH uvedeno da državni službenik ne smije obavljati dužnost, aktivnost ili biti na položaju koji dovodi do sukoba interesa sa njegovim službenim dužnostima, a naročito državni službenik ne može biti član upravnih i drugih odbora političkih stranaka i ne smije slijediti instrukcije političkih stranaka. Državni službenik je dužan da prilikom postavljanja na mjesto državnog službenika predoči sve informacije o djelatnostima i funkcijama koje obavlja. Nažalost, ovaj sastav Vijeća ministara je upriličio da državni službenik Josip Merdžo godinama u javnosti istupa kao glavni sekretar HNS-a učestvujući u izbornim kampanjama HDZ-a i HNS-a, iznosi političke stavove u medijima. Kao predstavnik HDZ-a u januaru '22. godine učestvuje u Neumu na pregovorima o Izbornom zakonu, a nakon pregovora u izjavi za agenciju FENA izjavljuje, citiram: "Ako se ne postigne dogovor o izmjenama izbornog zakonodavstva, bojkot izbora hrvatskih političkih predstavnika je, formalno gledajući, jedna od opcija. Nesporno je da je Josip Merdžo visoko rangirani politički funkcioner Hrvatskog narodnog sabora BiH, što je nespojivo s poslom državnog službenika. Također, bitno je istaći i činjenicu da je Josip Merdžo 2006. godine pravosnažno osuđen na godinu zatvora zbog krivičnog djela zloupotrebe položaja i ovlasti, te da ga je, u skladu sa ustavnim ovlastima pomilovala upravo Borjana Krišto predsjedavajuća, tadašnja predsjedavajuća Federacije BiH. Zbog navedenog postavljam pitanje predsjedavajućoj Vijeća ministara BiH Borjani Krišto: Da li će Vijeće ministara BiH u skladu s članom 50. Zakona o državnoj službi u institucijama BiH razriješiti Josipa Merdžu dužnosti direktora Instituta za intelektualno vlasništvo BiH na koje ga je upravo postavio ovaj sastav Vijeća ministara?“

**S obzirom na to da sjednici nije prisustvovala predsjedavajuća Vijeća ministara BiH Borjana Krišto, potrebno je da se odgovor na pitanje dostavi u pisanoj formi.**

**Branislav Borenović**

„Moje pitanje je predsjedavajućoj Savjeta ministara, a ako ima neko od članova Savjeta ministara, možda bi bilo dobro da da odgovor. Pitanje je vezano za odluku koju smo donijeli ovdje u Predstavničkom domu prije skoro dva mjeseca, tačnije 31. oktobra, kada smo velikom većinom glasova, dvotrećinskom koliko ja znam, usvojili inicijativu kojom se traži od Savjeta ministara BiH da u roku od 30 dana predloži Predstavničkom domu Prijedlog zakona o izmjenama i dopunama Izbornog zakona BiH sa ciljem uvođenja novih modernih tehnologija u izborni proces u ovoj zemlji. Jedno od najvažnijih zakonskih rješenja, prioriteta svih prioriteta

---

<sup>1</sup> Sadržaj pitanja preuzet je iz neautoriziranog transkripta 14. sjednice Predstavničkog doma.

koji je trebao da i koji bi trebao da vrati povjerenje građana u izborni proces, da se kroz to zakonsko rješenje normira uvođenje novih tehnologija, ono što smo, o čemu pričamo, svjedočimo svih ovih mjeseci vezano za elektronsku identifikaciju birača, otiska prsta i skeniranja glasačkih listića prilikom glasanja što bi u mnogome zaustavilo zloupotrebe izbornog procesa. Prošlo je, ponavljam, skoro dva mjeseca, prošao je rok od 30 dana, današnja sjednica počinje, očekivali smo da će evo do početka sjednice biti taj prijedlog dostavljen od strane Savjeta ministara BiH. Moje je pitanje vrlo jasno i direktno – Zašto to Savjet ministara nije uradio, da li neko od ministara koji se nalazi na ovoj sjednici može da nam da obrazloženje da li je uopšte Savjet ministara o tome raspravljao i na kraju krajeva to je bila obaveza i dužnost izvršnog organa ove zemlje, koji je dobio nalog od najvišeg zakonodavnog tijela u zajedničkim institucijama BiH, a to je Predstavnički dom, tj. Parlament BiH? Dali smo zadatak, usvojili smo inicijativu i u roku od 30 dana je Savjet ministara trebao dostaviti izmjene Izbornog zakona kojim bi se omogućilo uvođenje novih modernih tehnologija i na taj način obezbijedili fer i poštenu izbore u ovoj zemlji.“

**S obzirom na to da sjednici nije prisustvovala predsjedavajuća Vijeća ministara BiH Borjana Krišto, potrebno je da se odgovor na pitanje dostavi u pisanoj formi.**

**Ermina Salkičević-Dizdarević**

„S obzirom na to da ja svoje pitanje upućujem ministru vanjske trgovine i ekonomskih odnosa BiH, razmišljala sam da li da to zadržim onda za sljedeću sjednicu, ali nemamo nešto nekog posebno vremena pa ću ipak iskoristiti ovo svoje pravo. Naime, moje pitanje se odnosi na formiranje radne grupe za izradu strategije, državne strategije za infrastrukturu kvaliteta u BiH, na kraju krajeva to je jedna od naših obaveza iz 14 prioriteta i dugogodišnji rep koji vučemo iz Izvještaja o napretku, što je zaista pohvalno da konačno idemo u tom pravcu. Međutim, prema mojim informacijama i onom što sam vidjela iz nekih izvora, meni treba zvanična informacija od strane ove institucije, a to je – Šta je pravni osnov za formiranje ove radne grupe za izradu strategije infrastrukture kvaliteta u BiH? S obzirom da, koliko sam informisana, možda to nije tačno, ali evo želim da ministar da cjelovitu informaciju, da su pozvali na Odluku o sistemu koordinacije procesa evropskih integracija u BiH što kao pravni osnov nije sigurno primjenjivo za jednu radnu grupu koja nije tijelo Direkcije za evropske integracije i niti se bavi direktno integracijama nego je stručno tijelo, pa znači u tom smislu upućujem pitanje ministarstvu vanjske trgovine i ekonomskih odnosa BiH – Koji je pravni osnov za formiranje radne grupe, a da to nije ova odluka o sistemu koordinacije?“

**S obzirom na to da sjednici nije prisustvovao ministar vanjske trgovine i ekonomskih odnosa BiH Staša Košarac, potrebno je da se odgovor na pitanje dostavi u pisanoj formi.**

**Šemsudin Dedić**

„Moje pitanje odnosi se na Ministarstvo finansija i trezora BiH. Naime, na nastavku 5. sjednice Vijeća ministara, koji je održan 15. marta ove godine, usvojen je zaključak kojim je Vijeće ministara BiH zadužilo Ministarstvo finansija i trezora BiH da pripremi novo sistemsko rješenje Zakona o plaćama i naknadama u institucijama BiH. Do danas nemamo aktivnosti po

tom zaključku i samim tim ministru finansija onda postavljam pitanje: Koje aktivnosti je realiziralo Ministarstvo po pitanju ovog zaključka i izradi predmetnog zakona, te kada možemo očekivati dostavljanje Nacrta zakona o plaćama i naknadama u institucijama BiH u proceduru od strane Ministarstva finansija i trezora BiH?“

**S obzirom na to da sjednici nije prisustvovao ministar finansija i trezora BiH Srđan Amidžić, potrebno je da se odgovor na pitanje dostavi u pisanoj formi.**

**Safet Kešo**

„Želim ponovo podsjetiti, po ko zna koji put, da je u skladu s članom 168. stav (3) predsjedavajuća Vijeća ministara BiH bila dužna osigurati prisustvo najmanje polovine članova Vijeća ministara BiH ovoj sjednici Parlamenta, ako me vid ne vara, ne vidim nijednog jedinog ministra iz Vijeća ministara BiH ovdje prisutnog. Ja sam najavio usmeno postavljanje ovih pitanja, a tiče se programiranja rada Vijeća ministara i s druge strane izvještavanja ili podnošenja računa o tome šta je zapravo od onoga što je bilo planirano ili predviđeno šta je realizirano? Evo do današnjeg dana, budući da predsjedavajuća ovdje nije prisutna i budući da sam u najavi svog usmenog pitanja bio gotovo potpuno precizan odgovore koje vrste tražim, molim da mi se odgovori na ova pitanja u pisanom obliku.“

**S obzirom na to da sjednici nije prisustvovala predsjedavajuća Vijeća ministara BiH Borjana Krišto, poslanik Safet Kešo zatražio je da se odgovor na pitanje dostavi u pisanoj formi.**

**Jasmin Emrić**

„Baš je čudno danas da niti jedan odgovor na postavljena pitanja nismo dobili, ali eto i to je odraz uvažavanja Vijeća ministara ovog Predstavničkog doma. S obzirom da će za nekoliko dana božićni i novogodišnji praznici, ponovno ćemo svjedočiti velikim gužvama, nepreglednim kolonama vozila i višesatnom čekanju naših građana na graničnom prijelazu Velika Kladuša – Maljevac, koji su krenuli da praznične dane provedu u svojoj državi, kod svojih kuća i u krugu svojih familija. Godinama unazad gledamo iste slike iscrpljivanja naših građana prilikom višesatnog čekanja da pređu državnu granicu na ovom jednom od najfrekventnijih međunarodnih graničnih prijelaza za cestovni promet putnika i roba. Vrijeme čekanja za prelazak granice na ovom graničnom prijelazu je i do pet i više sati, ali ove godine situacija će biti i gora, a gužve će biti još i veće, jer je prije šest mjeseci zatvoren privremeni granični prijelaz za međunarodni promet putnika Hadžin Potok – Bogovolja, odnosno Uprava za granicu Ministarstva unutarnjih poslova Republike Hrvatske nije dala saglasnost za produženje odluke o privremenom međunarodnom prometu putnika jedino ovom graničnom prijelazu koji je bio u funkciji prethodnih šest godina. Prije šest mjeseci tražio sam od Vijeća ministara, nadležnog ministarstva, Državne komisije za integrirano upravljanje granicom i Mješovite komisije za praćenje provođenja Ugovora između Bosne i Hercegovine i Republike Hrvatske o graničnim prijelazima da se hitno angažiraju radi nastavka rada graničnog prijelaza Hadžin Potok – Bogovolja. Kako nemam informaciju šta je konkretno do sada s tim u vezi urađeno postavljam pitanje Ministarstvu sigurnosti BiH – Koje su konkretne aktivnosti i

postupci pokrenuti od strane Ministarstva sigurnosti BiH i Mješovite komisije za praćenje provođenja Ugovora između Republike Hrvatske i BiH o graničnim prijelazima, a radi ponovnog produženja odluke o privremenom međunarodnom prometu putnika preko stalnog graničnog prijelaza za pogranični promet Hadžin Potok – Bogovolja?“

**S obzirom na to da sjednici nije prisustvovao ministar sigurnosti BiH Nenad Nešić, potrebno je da se odgovor na pitanje dostavi u pisanoj formi.**

\*\*\*\*\*

Predsjedavajući je, povodom utvrđivanja dnevnog reda, rekao sljedeće:

S dnevnog reda, na zahtjev Zajedničke komisije za odbranu i sigurnost BiH, skinute su:

- **Tačka 14.** Poslanička inicijativa Predraga Kojovića, Sabine Čudić i Aide Baručije, broj: 01-50-1-2389/23 od 16. 11. 2023. i
- **Tačka 16.** Prijedlog odluke o potvrdi Odluke Predsjedništva Bosne i Hercegovine o postavljenju na dužnost profesionalnih vojnih lica na formacijska mjesta za koja je predviđen čin generala u Ministarstvu odbrane BiH i Oružanim snagama BiH, broj: 01,02-03-2491/23 od 30. 11. 2023.

Dodate su:

- **Tačka 6.** Problem kupovine aviokarata u institucijama Bosne i Hercegovine, predlagač: poslanik Saša Magazinović, broj: 01-50-1-2678/23 od 21. 12. 2023;
- **Tačka 16.** Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-2607/23 od 14. 12. 2023;
- **Tačka 17.** Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-2609/23 od 14. 12. 2023;
- **Tačka 20.** Davanje saglasnosti za ratifikaciju Sporazuma o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine

i Međunarodne banke za obnovu i razvoj (zajam broj: 94950-BA), broj: 01,02-21-1-2560/23 od 11. 12. 2023;

- **Tačka 21.** Davanje saglasnosti za ratifikaciju Ugovora o grantu (Projekat Koridor 5c u Federaciji BiH – projekat obilaznica Doboj, poddionica: Putnikovo Brdo – Medakovo) između Bosne i Hercegovine i Evropske banke za obnovu i razvoj, koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2561/23 od 11. 12. 2023;
- **Tačka 22.** Davanje saglasnosti za ratifikaciju Ugovora o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat: Vjetroelektrana Vlašić (FI N° 91.812 SERAPIS 2019-0843), broj: 01,02-21-1-2575/23 od 12. 12. 2023;
- **Tačka 23.** Davanje saglasnosti za ratifikaciju Amandmana broj 4 na Ugovor o finansiranju zaključen između Bosne i Hercegovine (zajmoprimac), Republike Srpske (entitet) i Evropske investicione banke (banka) dana 22. 9. 2010. s naknadnim povremenim izmjenama (FI N°: 25.741 – SERAPIS 2008-0556) – Vodovod i kanalizacija u Republici Srpskoj, broj: 01,02-21-1-2576/23 od 12. 12. 2023;
- **Tačka 24.** Davanje saglasnosti za ratifikaciju Amandmana na Sporazum o zajmu (Dodatno finansiranje za projekat registracije nekretnina) između Bosne i Hercegovine i Međunarodne banke za obnovu i razvoj (kredit br. 9048-BA), broj: 01,02-21-1-2577/23 od 12. 12. 2023;
- **Tačka 25.** Davanje saglasnosti za ratifikaciju Amandmana na Sporazum o zajmu između Bosne i Hercegovine (zajmoprimac) i Međunarodne banke za obnovu i razvoj (banka) – Projekat restruktuiranja željeznica Republike Srpske – Zajam br. 8808-BA, broj: 01,02-21-1-2578/23 od 12. 12. 2023;
- **Tačka 26.** Davanje saglasnosti za ratifikaciju Sporazuma o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj, broj: 01,02-21-1-2629/23 od 15. 12. 2023;
- **Tačka 27.** Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Crna Gora za period 2021-2027. između Evropske unije koju predstavlja Evropska komisija i Bosne i Hercegovine koju predstavlja Direkcija za evropske integracije Vijeća ministara Bosne i Hercegovine i Crne Gore koju predstavlja Kancelarija za evropske integracije, broj: 01,02-21-1-2640/23 od 18. 12. 2023. i
- **Tačka 28.** Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Srbija za period 2021-2027. između Evropske unije, koju predstavlja Evropska komisija, Bosne i Hercegovine, koju

predstavlja Direkcija za evropske integracije Vijeća ministara Bosne i Hercegovine, i Srbije, koju predstavlja Ministarstvo za evropske integracije, broj: 01,02-21-1-2644/23 od 19. 12. 2023.

Nakon početka sjednice predlažaći poslanici: Sanja Vulić, Obren Petrović, Nebojša Radmanović, Ljubica Miljanović, Milorad Kojić, Milan Petković, Miroslav Vujičić i Čedomir Stojanović povukli su iz procedure Inicijativu za rekonstrukciju Vijeća ministara Bosne i Hercegovine - smjenu ministra odbrane BiH u Vijeću ministara BiH Zukana Heleza, broj: 01-50-1-2463/23 od 27. 11. 2023;

U raspravi o dnevnom redu učestvovali su: Mladen Bosić, Branislav Borenović, Šemsudin Mehmedović, Saša Magazinović, Sanja Vulić, Nermin Mandra, Darko Babalj, Safet Kešo, Milorad Kojić i Nenad Grković.

Šamsudin Mehmedović predložio je dopunu dnevnog reda prijedlogom zaključka koji glasi: „Zaključak kojim Predstavnički dom Parlamentarne skupštine BiH traži od Kolegija Predstavničkog doma da se u dnevnom redu sjednice Predstavničkog doma za svaku predloženu poslaničku inicijativu, pored broja inicijative, navede i naziv inicijative onako kako je to utvrdio predlažać inicijative“.

Nermin Mandra predložio je da se s dnevnog reda skine tačka 11. Izvještaj o provedenoj reviziji učinka o temi: „Aktivnosti institucija BiH na pripremi i nadzoru provođenja planova integriteta“, podnosilac: Ured za reviziju institucija BiH, broj: 01-16-10-2179/22 od 26. 12. 2022, da bi Kolegij Doma razmotrio zaključak Komisije za finansije i budžet i odredio nadležnu komisiju za razmatranje navedenog izvještaja.

Safet Kešo predložio je da se preformulira tačka 6. Problem kupovine aviokarata u institucijama Bosne i Hercegovine, koju je predložio poslanik Saša Magazinović, te je, uz saglasnost predlažaća, tačka preformulirana tako da glasi: Prijedlog zaključaka s ciljem rješavanja problema kupovine aviokarata u institucijama Bosne i Hercegovine, predlažać: poslanik Saša Magazinović, broj: 01-50-1-2678/23 od 21. 12. 2023.

Prijedlog Šemsudina Mehmedovića za dopunu dnevnog reda prihvaćen je s 25 glasova „za“ (iz Federacije BiH 18, iz Republike Srpske sedam), šest „protiv“ i dva glasa „suzdržan“.

Prijedlog Nermina Mandre za skidanje tačke s dnevnog reda prihvaćen je s 19 glasova „za“ (iz Federacije BiH 12, iz Republike Srpske sedam), šest „protiv“ i osam glasova „suzdržan“.

Predsjedavajući je konstatirao da 14. sjednica Predstavničkog doma ima sljedeći

## **DNEVNI RED**

1. Usvajanje Zapisnika 13. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Inicijativa poslanika: Mire Pekić, Jasmina Emrića, Vlatka Glavaša, Aide Baručije, Branislava Borenovića, Mladena Bosića, Elvise Hodžić, Nenada Grkovića, Šerifa Špage, Darka Babalja i Safeta Keše za rekonstrukciju Vijeća ministara Bosne i Hercegovine - smjenu ministra vanjske trgovine i ekonomskih odnosa BiH u Vijeću ministara BiH Staše Košarca, broj: 01-50-1-2418/23 od 20. 11. 2023;
4. Prijedlog izmjena Poslovnika Predstavničkog doma Parlamenta skupštine Bosne i Hercegovine, predlažać: Komisija za borbu protiv korupcije i kleptokratije Predstavničkog doma Parlamentarne skupštine BiH, sa zahtjevom za razmatranje po hitnom postupku, u skladu s članom 133. Poslovnika, broj: 01-02-4-2489/23 od 30. 11. 2023;
5. Prijedlog zaključaka s ciljem rješavanja problema kupovine aviokarata u institucijama Bosne i Hercegovine, predlažać: poslanik Saša Magazinović, broj: 01-50-1-2678/23 od 21. 12. 2023;
6. Izvještaj komisije Kolegija o nastojanju za postizanje saglasnosti o zahtjevu poslanika Denisa Zvizdića da se Prijedlog zakona o Vrhovnom sudu Bosne i Hercegovine razmatra po hitnom postupku, u skladu s članom 133. Poslovnika, broj: 01-02-1-2286/23 od 21. 11. 2023;
7. Izvještaj komisije Kolegija o nastojanju za postizanje saglasnosti o zahtjevu poslanika Nihada Omerovića da se Prijedlog zakona o dopuni Zakona o strancima razmatra po hitnom postupku, u skladu s članom 133. Poslovnika, broj: 01-02-1-2349/23 od 21. 11. 2023;
8. Izvještaj komisije Kolegija o nastojanju za postizanje saglasnosti o Prijedlogu zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlažać: poslanici Milan Dunović, Zlatan Begić i Vlatko Glavaš (zakon po hitnom postupku), broj: 01-02-1-2192/23 od 21. 11. 2023;
9. Izvještaj komisije Kolegija o nastojanju za postizanje saglasnosti o prijedlogu poslanika Predraga Kožula za uvrštavanje nove tačke u dnevni red 13. sjednice Predstavničkog doma Parlamentarne skupštine BiH, broj: 01-50-1-2415/23 od 21. 11. 2023;
10. Izvještaj o provođenju zakona iz nadležnosti Centralne izborne komisije Bosne i Hercegovine u 2022, podnosilac: Centralna izborna komisija BiH, broj: 01,02-50-18-2408/23 od 17. 11. 2023;
11. Izvještaj o provođenju Općih izbora 2022, podnosilac: Centralna izborna komisija BiH, broj: 01,02-50-18-2409/23 od 17. 11. 2023;
12. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora, podnosilac izvještaja: Privremena zajednička komisija oba doma Parlamentarne skupštine Bosne i Hercegovine za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, broj: 01,02-34-1-2428/23 od 21. 11. 2023;
13. Poslanička inicijativa Mire Pekić i Branislava Borenovića, broj: 01-50-1-2501/23 od 1. 12. 2023;



14. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-2607/23 od 14. 12. 2023;
15. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-2609/23 od 14. 12. 2023;
16. Prijedlog zaključka poslanika Šemsudina Mehmedovića, koji glasi: „Zaključak kojim Predstavnički dom Parlamentarne skupštine BiH traži od Kolegija Predstavničkog doma da se u dnevnom redu sjednice Predstavničkog doma za svaku predloženu poslaničku inicijativu, pored broja inicijative navede i naziv inicijative onako kako je to utvrdio predlagač inicijative“, broj: 01-50-1-2682/23, veza: 01-50-1-15-14/23 od 21. 12. 2023;
17. Davanje saglasnosti za ratifikaciju Međunarodnog sporazuma između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u programu Unije pod nazivom Program jedinstvenog tržišta, broj: 01,02-21-1-2365/23 od 13. 11. 2023;
18. Davanje saglasnosti za ratifikaciju Ugovora o grantu (Projekat Koridora 5c u Republici Srpskoj – projekat obilaznica Doboj – poddionica: Rudanka – Putnikovo Brdo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2449/23 od 24. 11. 2023;
19. Davanje saglasnosti za ratifikaciju Sporazuma o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine i Međunarodne banke za obnovu i razvoj (zajam broj: 94950-BA), broj: 01,02-21-1-2560/23 od 11. 12. 2023;
20. Davanje saglasnosti za ratifikaciju Ugovora o grantu (Projekat Koridor 5c u Federaciji BiH – Projekat obilaznica Doboj, poddionica: Putnikovo Brdo – Medakovo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan, broj: 01,02-21-1-2561/23 od 11. 12. 2023;
21. Davanje saglasnosti za ratifikaciju Ugovora o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat Vjetroelektrana Vlašić (FI N° 91.812 SERAPIS 2019-0843), broj: 01,02-21-1-2575/23 od 12. 12. 2023;
22. Davanje saglasnosti za ratifikaciju Amandmana broj 4 na Ugovor o finansiranju, zaključen između Bosne i Hercegovine (zajmoprimac), Republike Srpske (entitet) i Evropske investicione banke (banka) 22. septembra 2010. s naknadnim povremenim izmjenama (FI

Nº: 25.741 – SERAPIS 2008-0556) – Vodovod i kanalizacija u Republici Srpskoj, broj: 01,02-21-1-2576/23 od 12. 12. 2023;

23. Davanje saglasnosti za ratifikaciju Amandmana na Sporazum o zajmu (Dodatno finansiranje za projekat registracije nekretnina) između Bosne i Hercegovine i Međunarodne banke za obnovu i razvoj (kredit broj 9048-BA), broj: 01,02-21-1-2577/23 od 12. 12. 2023;
24. Davanje saglasnosti za ratifikaciju Amandmana na Sporazum o zajmu između Bosne i Hercegovine (zajmoprimac) i Međunarodne banke za obnovu i razvoj (banka) – Projekat restrukturiranja željeznica Republike Srpske – zajam broj 8808-BA, broj: 01,02-21-1-2578/23 od 12. 12. 2023;
25. Davanje saglasnosti za ratifikaciju Sporazuma o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj, broj: 01,02-21-1-2629/23 od 15. 12. 2023;
26. Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Crna Gora za period 2021-2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Crne Gore, koju predstavlja Ured za evropske integracije, broj: 01,02-21-1-2640/23 od 18. 12. 2023;
27. Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Srbija za period 2021-2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Srbije, koju predstavlja Ministarstvo za evropske integracije, broj: 01,02-21-1-2644/23 od 19. 12. 2023.

\* \* \* \* \*

#### **Ad. 1. Usvajanje Zapisnika 13. sjednice Predstavničkog doma Parlamentarne skupštine BiH**

Predsjedavajući je dao uvodne napomene. Nije bilo rasprave.

Zapisnik 13. sjednice Predstavničkog doma usvojen je s 25 glasova „za“ (iz Federacije BiH 16, iz Republike Srpske devet), jednim „protiv“ i bez glasova „suzdržan“.

#### **Ad. 2. Komentari na dobivene odgovore na poslanička pitanja**

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja i inicijative u pisanoj formi postavili poslanici:

- **Sabina Ćudić** – postavila devet pitanja,
- **Saša Magazinović** – postavio 12 pitanja,
- **Šemsudin Mehmedović** – postavio osam pitanja,

- **Sanja Vulić** – postavila tri pitanja,
- **Aida Baručija** – postavila dva pitanja,
- **Predrag Kožul** – postavio jedno pitanje,
- **Ermina Salkičević-Dizdarević** – postavila šest pitanja,
- **Safet Kešo** – postavio osam pitanja,
- Inicijative Kolegiju Predstavničkog doma uputili su: **Mira Pekić i Branislav Borenović, Nihad Omerović i Šemsudin Mehmedović (četiri inicijative).**

Do današnje sjednice dostavljeni su sljedeći odgovori:

- na pitanja **Saše Magazinovića** dostavljeno je **29** odgovora,
- na pitanja **Ermine Salkičević-Dizdarević** dostavljena su **dva** odgovora,
- na pitanja **Mije Karamehić-Abazović** dostavljen je **71** odgovor,
- na pitanja **Šemsudina Dedića** dostavljeno je **57** odgovora,
- na pitanja **Šemsudina Mehmedovića** dostavljeno je **27** odgovora,
- na pitanja **Rejhane Dervišević** dostavljeno je **12** odgovora,
- na pitanja **Aide Baručije** dostavljeno je **šest** odgovora,
- na pitanja **Jasmina Emrića** dostavljena su **dva** odgovora.
- po jedan odgovor dostavljen je na pitanja **Sanje Vulić i Darijane Filipović.**

Dobivene odgovore komentirali su: Sanja Vulić, Branislav Borenović i Šemsudin Mehmedović.

Safet Kešo izrazio je nezadovoljstvo činjenicom da mu nisu dostavljeni odgovori na postavljena pitanja.

**Ad. 3. Inicijativa poslanika: Mire Pekić, Jasmina Emrića, Vlatka Glavaša, Aide Baručije, Branislava Borenovića, Mladena Bosića, Elvise Hodžić, Nenada Grkovića, Šerifa Špage, Darka Babalja i Safeta Keše za rekonstrukciju Vijeća ministara Bosne i Hercegovine - smjenu ministra vanjske trgovine i ekonomskih odnosa BiH u Vijeću ministara BiH Staše Košarca, broj: 01-50-1-2418/23 od 20. 11. 2023.**

Predsjedavajući je dao uvodne napomene.

U raspravi su učestvovali: Mladen Bosić, Nenad Grković, Zlatan Begić, Milorad Kojić, Sanja Vulić, Branislav Borenović, Milan Petković, Midhat Čaušević i Safet Kešo.

Predstavnički dom nije usvojio Inicijativu poslanika: Mire Pekić, Jasmina Emrića, Vlatka Glavaša, Aide Baručije, Branislava Borenovića, Mladena Bosića, Elvise Hodžić, Nenada Grkovića, Šerifa Špage, Darka Babalja i Safeta Keše za rekonstrukciju Vijeća ministara BiH - smjenu ministra vanjske trgovine i ekonomskih odnosa BiH u Vijeću ministara BiH Staše Košarca – „za“ je glasalo 17 poslanika (iz Federacije BiH 12, iz Republike Srpske pet), „protiv“ 22, „suzdržan“ jedan.

**Ad. 4. Prijedlog izmjena Poslovnika Predstavničkog doma Parlamentaene skupštine Bosne i Hercegovine, predlagač: Komisija za borbu protiv korupcije i kleptokratije Predstavničkog doma Parlamentarne skupštine BiH, sa zahtjevom za razmatranje po hitnom postupku, u skladu s članom 133. Poslovnika, broj: 01-02-4-2489/23 od 30. 11. 2023.**

Predsjedavajući je dao uvodne napomene.

Nije bilo rasprave o zahtjevu za hitni postupak.

Zahtjev za razmatranje Prijedloga izmjena Poslovnika Predstavničkog doma Parlamentaene skupštine Bosne i Hercegovine po hitnom postupku prihvaćen je s 28 glasova „za“ (iz Federacije BiH 18, iz Republike Srpske 10), bez glasova „protiv“ i jednim glasom „suzdržan“.

Nije bilo rasprave o Prijedlogu izmjena Poslovnika.

Prijedlog izmjena Poslovnika Predstavničkog doma Parlamentaene skupštine Bosne i Hercegovine usvojen je s 28 glasova „za“ (iz Federacije BiH 19, iz Republike Srpske devet), bez glasova „protiv“ i četiri glasa „suzdržan“.

**Ad. 5. Prijedlog zaključaka s ciljem rješavanja problema kupovine aviokarata u institucijama Bosne i Hercegovine, predlagač: poslanik Saša Magazinović, broj: 01-50-1-2678/23 od 21. 12. 2023.**

Predsjedavajući je dao uvodne napomene. Saša Magazinović je obrazložio tačku.

U raspravi su učestvovali: Milorad Kojović, Čedomir Stojanović, Sanja Vulić, Saša Magazinović i Denijal Tulumović.

Zaključci koje je predložio Saša Magazinović usvojeni su s 32 glasa „za“ (iz Federacije BiH 21, iz Republike Srpske 11), bez glasova „protiv“ i tri glasa „suzdržan“. Zaključci glase:

1. „Predstavnički dom Parlamentarne skupštine BiH zadužuje Ured za reviziju institucija BiH da, imajući u vidu raniju generalnu ocjenu revizora da institucije BiH nisu

- organizirale proces javnih nabavki koji omogućava zakonito, blagovremeno, namjensko i transparentno korištenje javnih sredstava, izvrši reviziju učinka kupovine aviokarata u institucijama BiH, uključujući sadržaj i način provođenja tendera s prijedlogom mjera za unapređenje, te da izvještaj dostavi Parlamentarnoj skupštini BiH u roku od 45 dana.
2. Budući da isti problem postoji u ministarstvima, Predstavnički dom Parlamentarne skupštine BiH zadužuje Vijeće ministara BiH da u roku od 30 dana obavi raspravu o problemu nabavke aviokarata u institucijama BiH s prijedlogom mjera za rješenje problema i da o tome obavijesti Parlamentarnu skupštinu BiH.
  3. Predstavnički dom Parlamentarne skupštine BiH zadužuje Agenciju za javne nabavke BiH da u roku od 30 dana informira Parlamentarnu skupštinu BiH o svom stavu i prijedlozima za rješenje problema kupovine aviokarata u institucijama BiH.
  4. Predstavnički dom zahtijeva od svih institucija BiH da do rješenja problema nabavke aviokarata posebnu pažnju obrate na cijene aviokarata koje dobivaju od agencija izabranih u procesu javnih nabavki, kao i neizvršavanje drugih obaveza iz ugovora, te da reagira na uočene nepravilnosti.“

**Ad. 6. Izvještaj komisije Kolegija o nastojanju za postizanje saglasnosti o zahtjevu poslanika Denisa Zvizdića da se Prijedlog zakona o Vrhovnom sudu Bosne i Hercegovine razmatra po hitnom postupku, u skladu s članom 133. Poslovnika, broj: 01-02-1-2286/23 od 21. 11. 2023.**

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, nije prihvatio zahtjev poslanika Denisa Zvizdića da se Prijedlog zakona o Vrhovnom sudu Bosne i Hercegovine razmatra po hitnom postupku, u skladu s članom 133. Poslovnika - „za“ je glasalo 20 poslanika, „protiv“ 14 (iz Federacije BiH tri, iz Republike Srpske 11), „suzdržana“ dva.

Zatim je Dom, u skladu s članom 133. stav (4) Poslovnika, glasao o tome da li će se navedeni prijedlog zakona razmatrati po skraćenom postupku. „Za“ je glasao 21 poslanik (iz Federacije BiH 20, iz Republike Srpske jedan), „protiv“ 11, „suzdržanih“ četiri. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu da se Prijedlog zakona o Vrhovnom sudu Bosne i Hercegovine razmatra po skraćenom postupku, u skladu s članom 132. Poslovnika.

**Ad. 7. Izvještaj komisije Kolegija o nastojanju za postizanje saglasnosti o zahtjevu poslanika Nihada Omerovića da se Prijedlog zakona o dopuni Zakona o strancima razmatra po hitnom postupku, u skladu s članom 133. Poslovnika, broj: 01-02-1-2349/23 od 21. 11. 2023.**

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, nije prihvatio zahtjev poslanika Nihada Omerovića da se Prijedlog zakona o dopuni Zakona o strancima razmatra po hitnom postupku, u skladu s članom 133. Poslovnika - „za“ je glasalo 20 poslanika, „protiv“ 13 (iz Federacije BiH dva, iz Republike Srpske 11), „suzdržana“ tri.

Zatim je Dom, u skladu s članom 133. stav (4) Poslovnika, glasao o tome da li će se navedeni prijedlog zakona razmatrati po skraćenom postupku. „Za“ je glasalo 19 poslanika (iz Federacije BiH 18, iz Republike Srpske jedan), „protiv“ 12, „suzdržanih“ pet. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu da se Prijedlog zakona o dopuni Zakona o strancima razmatra po skraćenom postupku, u skladu s članom 132. Poslovnika.

**Ad. 8. Izvještaj komisije Kolegija o nastojanju za postizanje saglasnosti o Prijedlogu zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanici Milan Dunović, Zlatan Begić i Vlatko Glavaš (zakon po hitnom postupku), broj: 01-02-1-2192/23 od 21. 11. 2023.**

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom je, s 24 glasa „za“, devet „protiv“ (iz Federacije BiH dva, iz Republike Srpske sedam) i tri glasa „suzdržan“, usvojio Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini.

**Ad. 9. Izvještaj komisije Kolegija o nastojanju za postizanje saglasnosti o prijedlogu poslanika Predraga Kožula za uvrštavanje nove tačke u dnevni red 13. sjednice Predstavničkog doma Parlamentarne skupštine BiH, broj: 01-50-1-2415/23 od 21. 11. 2023.**

Predsjedavajući je dao uvodne napomene, nakon čega nije bilo rasprave, jer je okončana na prethodnoj sjednici.

Predstavnički dom, u drugom krugu glasanja, s 16 glasova „za“, 15 „protiv“ (iz Federacije BiH četiri, iz Republike Srpske 11) i pet glasova „suzdržan“, nije usvojio prijedlog poslanika Predraga Kožula.

**Ad. 10. Izvještaj o provođenju zakona iz nadležnosti Centralne izborne komisije Bosne i Hercegovine u 2022, podnosilac: Centralna izborna komisija BiH, broj: 01,02-50-18-2408/23 od 17. 11. 2023.**

Predsjedavajući je dao uvodne napomene, nakon čega je diskutirao Jasmin Emrić.

„Za“ Izvještaj o provođenju zakona iz nadležnosti Centralne izborne komisije Bosne i Hercegovine u 2022. glasalo je 17 poslanika (iz Federacije BiH 16, iz Republike Srpske jedan), 12 „protiv“ i sedam „suzdržanih“. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom izvještaju.

Predstavnički dom je, s 21 glasom „za“ (Federacija BiH 16, Republika Srpska pet), 10 „protiv“ i pet glasova „suzdržan“, usvojio zaključak koji je predložio Jasmin Emrić, a koji glasi: „Predstavnički dom Parlamentarne skupštine BiH poziva predsjednika i članove Centralne izborne komisije Bosne i Hercegovine da u roku od osam dana organiziraju sastanak s predstavnicima svih političkih stranaka (poslanice/poslanici i delegatkinje/delegati) u Parlamentarnoj skupštini BiH radi predstavljanja prijedloga za izmjene izbornog zakonodavstva i prijedloga za usvajanje paketa integriteta izbornog procesa (uvođenje novih tehnologija u izborni proces) i rješavanje izbornih sporova - prijedlozi za unapređenje.“

**Ad. 11. Izvještaj o provođenju Općih izbora 2022, podnosilac: Centralna izborna komisija BiH, broj: 01,02-50-18-2409/23 od 17. 11. 2023.**

Predsjedavajući je dao uvodne napomene. U raspravi su učestvovali: Branislav Borenović, Sanja Vulić, Nenad Grković, Milorad Kojić, Mladen Bosić i Šerif Špago.

„Za“ Izvještaj o provođenju Općih izbora 2022. glasalo je 14 poslanika (iz Federacije BiH 13, iz Republike Srpske jedan), „protiv“ 12, „suzdržanih“ 10. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom izvještaju.

**Ad. 12. Izbor tri člana Upravnog odbora Agencije za razvoj visokog obrazovanja i osiguranje kvaliteta i izbor jednog člana koji će preuzeti dužnost umjesto razriješenog člana Upravnog odbora, podnosilac izvještaja: Privremena zajednička komisija oba doma Parlamentarne skupštine Bosne i Hercegovine za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, broj: 01,02-34-1-2428/23 od 21. 11. 2023.**

Predsjedavajući je dao uvodne napomene, nakon čega nije bilo rasprave.

Predstavnički dom, s 21 glasom „za“ (iz Federacije BiH 14, iz Republike Srpske sedam), devet „protiv“ i šest glasova „suzdržan“, imenovao je tri člana Upravnog odbora Agencije za razvoj visokog obrazovanja i osiguranje kvaliteta, i to: Nenada Ponorca, Dženu Ljuca i Ivu Čolaka, te Vedada Smailagića kao jednog člana koji će preuzeti dužnost umjesto razriješenog člana Upravnog odbora.

**Ad. 13. Poslanička inicijativa Mire Pekić i Branislava Borenovića, broj: 01-50-1-2501/23 od 1. 12. 2023.**

Nakon uvodnih napomena predsjedavajućeg, inicijativu je obrazložila Mira Pekić.

Predstavnički dom usvojio je poslaničku inicijativu Mire Pekić i Branislava Borenovića s 26 glasova „za“ (Federacija BiH 19, Republika Srpska sedam), šest „protiv“ i četiri glasa „suzdržan“.

**Ad.14. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-2607/23 od 14. 12. 2023.**

Predsjedavajući je dao uvodne napomene. Nije bilo rasprave.

Predstavnički dom, s 24 glasa „za“ (Federacija BiH 17, Republika Srpska sedam), osam „protiv“ i četiri glasa „suzdržan“, usvojio je Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je



izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine. Iz Predstavničkog doma imenovani su poslanici: Darijana Filipović, Aida Baručija i Miroslav Vujičić.

**Ad. 15. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, predlagač: Zajednički kolegij oba doma Parlamentarne skupštine BiH, broj: 01,02-34-1-2609/23 od 14. 12. 2023.**

Nakon uvodnih napomena predsjedavajućeg, nije bilo rasprave.

Predstavnički dom je, s 21 glasom „za“ (Federacija BiH 14, Republika Srpska sedam), devet „protiv“ i šest glasova „suzdržan“, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije. Iz Predstavničkog doma imenovani su poslanici: Predrag Kožul, Ermina Salkičević-Dizdarević i Sanja Vulić.

**Ad. 16. Prijedlog zaključka poslanika Šemsudina Mehmedovića, koji glasi: „Zaključak kojim Predstavnički dom Parlamentarne skupštine BiH traži od Kolegija Predstavničkog doma da se u dnevnom redu sjednice Predstavničkog doma za svaku predloženu poslaničku inicijativu, pored broja inicijative navede i naziv inicijative onako kako je to utvrdio predlagač inicijative“, broj: 01-50-1-2682/23, veza: 01-50-1-15-14/23 od 21. 12. 2023.**

Nakon uvodnih napomena predsjedavajućeg nije bilo rasprave.

Prijedlog zaključka poslanika Šemsudina Mehmedovića usvojen je s 22 glasa „za“ (iz Federacije BiH 17, iz Republike Srpske pet), devet „protiv“ i pet glasova „suzdržan“.

Prije prelaska na tačku 17. dnevnog reda, predsjedavajući je predložio da se objedini rasprava o tačkama 17 - 27. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 21 glasom „za“ (iz Federacije BiH 15, iz Republike Srpske šest), bez glasova „protiv“ i šest glasova „suzdržan“.

**Ad. 17 – 27.**

Predsjedavajući je dao uvodne napomene. Nije bilo rasprave.

Predsjedavajući je predložio da se objedini glasanje o tačkama 17 - 27. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 34 glasa „za“ (iz Federacije BiH 23, iz Republike Srpske 11), bez glasova „protiv“ i dva glasa „suzdržan“.

S 34 glasa „za“ (iz Federacije BiH 24, iz Republike Srpske 10), bez glasova „protiv“ i dva glasa „suzdržan“, data je saglasnost za ratifikaciju:

- Međunarodnog sporazuma između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u programu Unije pod nazivom Program jedinstvenog tržišta,
- Ugovora o grantu (Projekat Koridora 5c u Republici Srpskoj – Projekat obilaznica Doboj – poddionica: Rudanka – Putnikovo Brdo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan,
- Sporazuma o zajmu (Programski zajam za razvojnu politiku zdravstvenih sektora u Bosni i Hercegovini) između Bosne i Hercegovine i Međunarodne banke za obnovu i razvoj (zajam broj: 94950-BA),
- Ugovora o grantu (Projekat Koridor 5c u Federaciji BiH – Projekat obilaznica Doboj, poddionica: Putnikovo Brdo – Medakovo) između Bosne i Hercegovine i Evropske banke za obnovu i razvoj koji se odnosi na investicioni grant iz Evropskog zajedničkog fonda za Zapadni Balkan,
- Ugovora o finansiranju (Evropski fond za održivi razvoj – EFSD – Namjenski investicioni okvir 1) između Bosne i Hercegovine i Evropske investicione banke, Projekat Vjetroelektrana Vlačić (FI N° 91.812 SERAPIS 2019-0843),
- Amandmana broj 4 na Ugovor o finansiranju, zaključen između Bosne i Hercegovine (zajmoprimac), Republike Srpske (entitet) i Evropske investicione banke (banka) 22. septembra 2010. s naknadnim povremenim izmjenama (FI N°: 25.741 – SERAPIS 2008-0556) – Vodovod i kanalizacija u Republici Srpskoj,
- Amandmana na Sporazum o zajmu (Dodatno finansiranje za projekat registracije nekretnina) između Bosne i Hercegovine i Međunarodne banke za obnovu i razvoj (kredit broj 9048-BA),
- Amandmana na Sporazum o zajmu između Bosne i Hercegovine (zajmoprimac) i Međunarodne banke za obnovu i razvoj (banka) – Projekat restrukturiranja željeznica Republike Srpske – zajam broj 8808-BA,
- Sporazuma o zajmu (Projekat unapređenja kvaliteta zraka) između Bosne i Hercegovine i Međunarodne banke za obnovu i razvoj,
- Sporazuma o finansiranju programa aktivnosti prekogranične saradnje Bosna i Hercegovina – Crna Gora za period 2021-2027. između Evropske unije, koju predstavlja

Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Crne Gore, koju predstavlja Ured za evropske integracije,

- Sporazuma o finansiranju programa aktivnosti prekogranične saradnje Bosna i Hercegovina – Srbija za period 2021-2027. između Evropske unije, koju predstavlja Evropska komisija, Bosne i Hercegovine, koju predstavlja Direkcija za evropske integracije Vijeća ministara Bosne i Hercegovine, i Srbije, koju predstavlja Ministarstvo za evropske integracije.

Sjednica je završena u 18.50 sati.

Sastavni dio Zapisnika je transkript 14. sjednice Predstavničkog doma.

SEKRETAR  
PREDSTAVNIČKOG DOMA

**Marin Vukoja**

PREDSJEDAVAJUĆI  
PREDSTAVNIČKOG DOMA

**Marinko Čavara**